



Broj: 01/04-11-6949-8/21
Sarajevo, 03.02.2022. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj: 39/14) i člana 38. stav (1) Statuta Grada Sarajeva ("Službene novine Kantona Sarajevo", broj: 34/08-Prečišćeni tekst), gradonačelnica Grada Sarajeva donosi:

O D L U K U
o poništenju postupka javne nabavke

I

Poništava se postupak javne nabavke pokrenut Odlukom broj: 01/04-11-6949-2/21 od 08.12.2021. godine putem Konkurentskog zahtjeva za javnu nabavku "Usluge održavanja službenih prostorija Grada Sarajeva", iz razloga **što nijedna od primljenih ponude nije prihvatljiva za ugovorni organ.**

II

Ova Odluka stupa na snagu danom donošenja.

Obrazloženje:

Odlukom broj: 01/04-11-6949-2/21 od 08.12.2021. godine, pokrenut je postupak javne nabavke za „Usluge održavanja službenih prostorija Grada Sarajeva“, putem Konkurentskog zahtjeva. Obavještenje o nabavci objavljeno je na portalu Agencije za javne nabavke broj:1278-7-2-244-3-33/21 dana 23.12.2021. godine.

Sa portala Agencije za javne nabavke tendersku dokumentaciju preuzelo je 13 ponuđača.

U određenom roku za dostavljanje ponuda na protokol ugovornog organa zaprimljene su dvije ponude i to ponuda ponuđača KULA MONT d.o.o. Zenica, ul. Bilimišće broj 101. 72 000 Zenica i JOBING d.o.o. Sarajevo, ul. Grada Kalgarija broj 3. 71 000 Sarajevo.

Komisija za javnu nabavku imenovana Rješenjem gradonačelnice broj:01/04-11-6949-3/21 od 08.12.2021. godine, izvršila je otvaranje ponuda dana 30.12.2021. godine.

Nakon otvaranja ponuda izvršena je detaljna analiza prispljelih ponuda gdje je utvrđeno da je ponuđač KULA MONT d.o.o. Zenica, ul. Bilimišće broj 101. 72000 Zenica, dostavio ponudu u skladu sa zahtjevima Ugovornog organa odnosno u skladu sa tenderskom dokumentacijom, te da cijena prispljele ponude iznosi: 325,00 KM bez PDV-a, odnosno 380,25 KM sa PDV-om i JOBING d.o.o. Sarajevo, ul. Grada Kalgarija br. 3. 71 000 Sarajevo čija je cijena ponude 83,00 KM bez PDV-a, odnosno 97,11 KM sa PDV- om.

Nakon provedenog postupka e-aukcije cijena ponude ponuđača JOBING d.o.o. Sarajevo iznosila je 0,01 KM bez PDV-a, a cijena ponude ponuđača KULA MONT d.o.o. Zenica 0,80 KM bez PDV-a.

Iz razloga neprirodno niskih ponuđenih cijena Ugovorni organ je u skladu sa čl. 66. stav (1) Zakona o javnim nabavkama BiH, tražio od ponuđača obrazloženje neprirodno niske ponuđene cijena, te je od ponuđača KULA MONT d.o.o. Zenica ul. Bilimišće br. 101. dobio obrazloženje koje nije u skladu sa pozivom za pojašnjenje neprirodno niske ponuđene cijene.



Naime, ponuđač KULA MONT d.o.o. Zenica, je naveo u svom obrazloženju da je za njih kao preduzeće **“bitnija referens lista nego sam profit i dobit”** što nije u skladu sa članom 66. stav (2) Zakona o javnim nabavkama BiH, gdje je traženo da se opravda ekonomičnost dostavljene cijene, a ne referensa.

Komisija za javne nabavke, nije privatila kao validno obrazloženje ponuđača KULA MONT d.o.o., Zenica, te sami tim ponuda ponuđača KULA MONT d.o.o. Zenica, nije prihvatljiva za ugovorni organ.

Potrebno je napomenuti da je ponuđač JOBING d.o.o. Sarajevo, prijavio Konkurencijskom vijeću BiH ponuđača KULA MONT d.o.o. Zenica, iz razloga što mu je ponuđač KULA MONT d.o.o. Zenica telefonskim putem tražio da se „dogovore“ u smislu njegovog odustanka od e-aukcije, što je drugom ponuđaču bio dovoljan razlog da ga prijavi.

Ponuđač JOBING d.o.o. Sarajevo nije dostavio svoje obrazloženje te je samim tim i odustao od daljeg učešća u predmetnom postupku.

Komisija je utvrdila da je na osnovu Izvještaja o toku i završetku e-aukcije, koji je preuzet sa portala javnih nabavki, da je e-aukcije trajala vremenski 4 sata i 25 minuta, što se nije desilo nikada ugovornom organu, od kako se provodi e-aukcija.

Iz Izvještaja o toku i završetku e-aukcije, vidljiva je namjera ponuđača, da su e- aukciji pristupili krajnje neozbiljno, te da je primjetno da su se bukvalno inatili ko će dostaviti najnižu cijenu, što svakao nije u duhu zdrave konkurencije, kako nalaže Zakon o javnim nabavkama BiH.

Dokaz: Izvještaj o toku i završetku e-aukcije

Komisija za provođenje postupka javne nabavke, sačinila je Zapisnik o pregledu i ocjeni ponuda te dala preporuku gradonačelnici Grada Sarajeva, da shodno članu 69. stav (2) tačka d) i članu 70. stav (1) i (4) Zakona o javnim nabavkama Bosne i Hercegovine (**“Službeni glasnik Bosne i Hercegovine”**, broj: 39/14) donese Odluku o poništenju postupka javne nabavke obzirom da je Komisija utvrdila da niti jedna ponuda sa ponuđenim cijenama nije prihvatljiva za ugovorni organ.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Prihvatajući preporuku Komisije gradonačelnica Grada Sarajeva donosi ovu odluku.

POUKA O PRAVNOM LIJEKU: Protiv ove Odluke može se izjaviti žalba putem Ugovornog organa u roku od 5 (pet) dana, od dana prijema Odluke.

Za zakonitos odgovaraju:

Stručna obrada: Nermina Šehović, dipl.pravnik

Šef Odsjeka za javne nabavke: Suada Kovačević, dipl.pravnik

Pomoćnik u Gradskoj službi za opću upravu i zajedničke poslove: Meliha Olovčić, dipl.pravnik

GRADONAČELNICA

Doc. Dr. Benjamina Karić

Dostaviti:

-ponuđačima

-a/a